

En dit zien de winnende gedichjes vur de ôngerbouw, middebouw en baovebouw.

Wiebele

D'r wiebelt get in mien mundje
't Geit dao op en neer
Drei met mien tông ein rundje
Nôw veul ich 't alwir

As ich in einen appel biét
Is 't gedaon
En ken ich nimmer met mien muulke
Vaol teng sjtaon

Ich gaon nimmer aete
Is mien besjlóet
Want dalik valle mich
Alle tendjes d'r óet

Linda Hanraets-Weber

De sjië in

Eindelijk is 't zoë wiéd
Alles is nôw hagelwit
Met sjië d'r euver is alles kwiét
Ich haop det 't d'r lang op zit

Det iërste moment bóete is wôngerlik!
En de zôn, die mak 't aaf
De neteur die d'r zoë vredig beej lik
Die sjitteringe en kleure wit: zoë gaaf

Ich kôs waal bäoke van gelök
Maar dao-vur is 't mich te káad
Nôw bouwe en sjeie: ich bön hiel drök
Want angers bön ich dalik te laat...

Hanneke Konings

Ein good idee

Greunte en fruit, det is toch zoë gezônk
Maar ich duuj mich lever get angers in mien mônk
Ein lekkere täot chips of zoëre matte
Of sjeppies, lollies en dropjes katte

Of lekker saoves nao de Mac drek
Eine döbbele friet met eine big mac

Of eine pizza van da Franco
En op zôndig dae döner van Mo

Nao sjoël den same nao de Appie
Vur ein superlekker appelflappie
Get zeuts te drinke vur d'r beej
Det ving ich pas ein good idee!

Mien mam zaet den 'zit neet zoë te sjlôkke'
Maar de môs die zelf ens huëre mokke
Want iddere maond is 't wir zoë wiéd
Den zien weej inens alle sjeklaad thóes kwiét

Hanneke van der Sommen